



Broj:10-05-1373/16
Sarajevo, 04.03.2016. godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnik Semir Halilović je na Jedanaestoj Radnoj sjednici Skupštine Kantona Sarajevo, održanoj 01.02.2016. godine, u okviru tačke Dnevnog reda „Zastupnička pitanja, inicijative i odgovori“, u skladu sa Poslovnikom Skupštine Kantona Sarajevo, pokrenuo zastupničku inicijativu:

„Iniciram kod Ministarstva zdravstva Kantona Sarajevo da se u Javnoj ustanovi Domovi zdravstva KS, u svim opštinskim domovima zdravstva, ugradi elektronski sistem uspostavljanja reda čekanja sa brojevima a sve zbog smanjenja gužvi, uspostavljanja reda i smanjivanja slučajeva protekcije ili samovolje.

“Ovim putem iniciram, također, kod Ministarstva zdravstva KS da se u svim domovima zdravstva i bolnicama, istakne natpis da pored teških bolesnika, hitnih slučajeva i trudnice imaju prednost u redu za čekanje, što sada nema niti u jednoj medicinskoj ustanovi u KS.“

U vezi sa postavljenom zastupničkom inicijativom dostavljamo slijedeći:

ODGOVOR

U vezi sa pokrenutom inicijativom koja se odnosi na mogućnost da se u svim domovima zdravstva i bolnicama istakne natpis da pored teških bolesnika, hitnih slučajeva i trudnice imaju prednost u redu za čekanje, želimo ukazati da zakonskim i podzakonskim aktima u oblasti zdravstvene zaštite nigdje nije navedena mogućnost prvenstva pri pregledu za određene kategorije stanovništva, već je u skladu sa medicinskom strukom liječnik u hitnim stanjima dužan pružiti pomoć svakom pacijentu bez odgađanja, a ostale pacijente dužan je primati prema stepenu medicinskog prioriteta, odnosno prema listi čekanja.

Hitnim stanjima smatraju se ona stanja kod kojih bi zbog nepružanja liječničke pomoći mogle nastati trajne štetne posljedice po zdravlje (invalidnost) ili po život pacijenta.

Određene zdravstvene ustanove su svojim internim aktima omogućile prednost određenim kategorijama.

Ministarstvo zdravstva Kantona Sarajevo je saglasno sa predloženom inicijativom da se u svim domovima zdravstva i bolnicama istakne natpis da pored teških bolesnika, hitnih slučajeva i trudnice imaju prednost u redu za čekanje, te će u tom smislu izvijestiti JU Dom zdravstva Kantona Sarajevo i bolnice o obavezi provedbe navedene inicijative.



Vežano za ugradnju elektronskog sistema uspostavljanja reda čekanja obavještavamo Vas da je predloženu inicijativu ovo ministarstvo dostavilo JU Dom zdravlja Kantona Sarajevo sa zahtjevom da se izjasne o mogućnostima primjene uvođenja elektronskog sistema uspostavljanja reda čekanja sa brojevima u svim domovima zdravlja, a o čemu ćemo izvijestiti uvaženog zastupnika Semira Halilovića po dostavljenom mišljenju.

MINISTRICA

Zilha Ademaj, dipl.oec.



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

